

մատոյց Անդրիաս , և գտին , որպէս պատմեաց , յառաջ մատեան եւ երեքին այլազգի վկայք , առնն՝ ըստ մտաց Կայսերական գրոց եկեղեցիք վանօրայք եւ երեք ազգք սեփհական են Հայոց , զհարկս և զտուգանս հատուցանեն ընդ հետեւողաց իւրեանց , որպէս եւ Յոյնք . և յառուր տօնի Զատիկին յառաջ քան զամենեսին Հապէշք մտանեն 'ի Գերեզմանն Քրիստոսի , ապա Հայք և Յոյնք 'ի միասին : Լուեալ ատենակալաց զրանս երկաքանչիւր կողմանց , սահմանեցին՝ բաժանել զհարկն հաւասար 'ի միջի իւրեանց , և այնպէս հատուցանել , պատուեր ետուն Հայոց ընդ Յունաց 'ի միասին մտանել 'ի Գերեզմանն : Յունաց չպահանջել 'ի Հայոց զհարկս եկեղեցեաց իւրեանց և զտուգանս սպանութեանց , և արձակեցան յատենէ անտի . յԿՓ Բամազան ամսոյ , 973 ( 1555 ) : Որպէս յայտ առնեն զայսոսիկ դատաստանագիրն և հրովարտակն :

Անդրիաս Եպիսկոպոս կարգեալ էր աթոռակալ իւր Խաչատուր Եպիսկոպոս , և նա վարէր զիշխանութիւն Պատրիարքութեան 'ի բացակայութեան նորին , ուստի հրովարտակը և դատաստանագիրք ոմանք տուեալ են յանուն նորա : Որպէս 'ի սմին ամի ուխտաւորք Հայոց եւ Յունաց , որք գային յարեւելից յաշխարհէն Հայոց , պատահեցան 'ի ճանապարհի նեղութեանց , զի 'ի հասանիլ նոցա յիւրաքանչիւր քաղաքս և յաւանս , հարկահանք այլազգեաց յափըշտակէին զգրաստս նոցա , եւ յետ բազմադիմի նեղութեանց , առեալ յիւրաքանչիւր անձնէ՝ զերկուս ոսկիս , ապա դարձուցանէին առ նոսա զգրաստս նոցին : Ի հասանիլ նոցա յերուսաղէմ , պատմեցին զանցս իւրեանց Խաչատուր Եպիսկոպոսի , և նա գրեալ ծանոյց 'ի դուռն . որոյ վասն գրեցաւ հրովարտակ առ դատաւորս քաղաքաց , բառնալ զբռնութիւնս այլազգեաց , զի մի տացեն թոյլ նեղել զուխտաւորս 'ի ճանապարհի :

Սոյն այս Խաչատուր Եպիսկոպոս կամեցաւ շինել և նորոգել զաւերեալ տեղիս եկեղեցւոյն համբարձման քրիստոսի 'ի լեառն Զիթենեաց , զի այլազգիք բարձեալ տանէին զանկեալ քարինս յորմոց , և 'ի կիր անուին 'ի պէտս շինուածոց իւրեանց : Իսկ Խաչատուր առ հրաման 'ի դատաւորէ , և սկսաւ արկանել անդ քարինս 'ի նորոգել : Այ-